

Naqqiut

Saqquummiussissut 28. marts 2022-meersoq taarserpaa

(Naalakkersuisuni akisussaaffiit allanngortinneqarnerisa kingunerisaanik aaqqiisoqarpoq)

**Kinguaassiutitigut peqquserlunnikut sakkortunerusumik
 pineqaatissinnejarsinnaalernissaat pillugu Naalakkersuisut Naalagaaffimmi
 oqartussaasunut saaffiginissuteqarnissaat pillugu aalajangiiffigisassaattut siunnersuut.**
 (Atassutip Inatsisartuni ilaasortaatitai)

Akissuteqaat

(Aatsitassanut, Inatsisillu Atuutsinneqarnerannut Naalakkersuisoq)

Aappassaaneerneqarnera

Inatsisartut aalajangiiffigisassaattut siunnersummut matumunnga peqqissaartumik suliarinnissimanerannut Inatsisinut Ataatsimiititaliaq Naalakkersuisut qujaffigiumavaat.

Ataatsimiititaliami ilaasortat aalajangigaat Naalakkersuisut tusaatissatut tiguaat.

Pinerluttulerinermi inatsisip ullutsinnut naleqquttuunissaa aamma innuttaasut inatsisitigut naapertuulluartoqarneranik misiginissaannut piumasaqaatinik naammassinnissinnaanissaa Naalakkersuisunut pingaaruteqarmat, eqqartuussiveqarnitsinni tunngaviusumik tunngavigisagut, matumani pineqaatissiisarnerit annertussusaat sivisussusaallu ilanngullugit, pillugit innuttaasut suliniaqatigiiffisa aamma suliniaqatigiiffiit attuumassuteqartut ilaatinneqarnissaat pillugit suliassaq Naalakkersuisut pinngitsooratik piareersarniarpaat. Taannalu pilersitsiniarneq Inatsisit Atuutsinneqarnerannut suliassaqarfimmut Naalakkersuisut Anguniagassatut takorluugaat pingaarnersiuinerallu pillugu nalunaarusiamni saqqummeqqamersumi aamma nassuiarneqarpoq.

Allanik oqaaseqaatitaleqqinnagu taamatut oqaaseqarlutik siunnersuut aappassaaneerneqarnissaanut Naalakkersuisut tunniuppaat.